



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 159. De bonis traditis in villa Osterholt in Lainga pago.

**urn:nbn:de:hbz:466:1-36114**

Ab anno 826 usque 853 imperante Hludouico et campif filiu hoc tamen pacto ut si dominus illi concesserit filium proprio ipse illud teneat iure si non post mortem matris et uxoris suae ad reliquias scđm martirum stephani atque uiti iure pertineat hereditario testes *bardo comes* ali uolchard uuighard brun et alii X.

## §. 159.

Tradidit Osdag quidquid habuit in *lengi* (y) in loco qui dicitur *osterholt* mansum unum cum medietate familiae et omnibus appendiciis testes bofo uuallo ouo eyo buno.

## §. 160.

*Oda* nomine, pro remedio anime suae parentumque suorum, quicquid hereditariae proprietatis habuit in villis ac marca COLSTIDI ASTANHOLTE atque in LANCHAL, vel in omni Patherga cum consensu ac petitione fratris sui iustissimi heredis RICHARDI cum omnibus appendiciis ecclesiae Patherbrunnenſi in proprium tradidit. Unde Meinwercus episcopus, misericordia motus, in finitimis locis ad vitam eius X aratra decimationis ei concessit, et insuper unam libram inter aurum et argentum et unum poletrum, ac quinque uictimas, id est, *Friskinga*, fratri vero eius unum equum dedit, *Hofado* praeposito, *Ecelino* imperatoris capellano, *Amulungo* comite, et aliis multis, *astantibus*. Quae uerba, collata cum harum traditionum loco, iam ita interpretanda sunt, ut auctor per *Collidi* et *Lanchel*, villas, per *Astanholt* uero marcam indicare uoluerit. Apparet uero ex eisdem uerbis, *Astholteimarkum* fuisse in terminis pagi Patherga. Cum igitur inter oppida *Dethmold*, *Horn* et *Lippſpringe* uno milliari a *Paderborna* urbe, ad *Sendam* (*Paderbornensis* et *Lippienſis* ditionis vastam solitudinem) inueniatur vicus *Osterholt*, probabiliter iste vicus inter reliquias marcae *Astholteimarki* est numerandus. Est autem eadem regio in Romanis Francicisque annalibus celebratissima. Hic enim, *Velleio* teste, *Tiberius* caesar castra hybernantium legionum collocauit. Hic *Carolus Magnus* ingentem multitudinem Saxonum in *Lippiae* fontibus, qui ad *Lippſpringe* oppidum magna aquarum vi ex uenis ac meatibus subterraneis Teutonicorum montium profluunt, baptizandos curauit. Hic Saxones nostri inuictissimo *Carolo* spondederunt, se fore et persituros esse Christianos. Hic *Carolus* iterum castra metatus est, et, per aliquot dies moratus, synodum celebrauit. Hic postea *Carolus* generalem conuentum censuit habendum. Hic legati, quos *Nortmannorum* rex *Godefridus*, atque *Avarorum* principes *Cecanus* et *Iugartus* miserant, sunt auditi. Cuius autem prouinciae terminus fuerit *Astholteimarcus*, tandem uideris ex nobis querere. Respondemus breuiter. Totius is Saxoniae terminus esse non potuit. Cuiusnam ergo? *Angariae* occidentalis, uel pagorum *Patherga* et *Thiadmelli*. Memoratu autem dignum esse censemus, in eadem marca possedisse aliquid iuris *Beuonem* comitem, qui, ut infra uidebimus, filius *Eberti* ducis, et frater *Luidolfi* fuit. Cum itaque *Luidolfi* uxor, ut supra diximus, fuerit celebratissima *Oda*, fortassis quoque *Oda* sanctimonialis in *Geleke* cum fratre *Richardo*, hic ad eandem quoque familiam spectauit, et *Richardus* fortassis *Bernhardi* uel *Haholdi* frater fuit.

De pago  
Lengi.

(y) *Lengi* hic poni pro pago, nemo negare poterit, qui considerabit, locum *Osterholt* poni in *Lengi*. Data ergo occasione in situm huius pagi inquirendi, pagum *Lengi* probe discernendum esse a pagis aliis, censemus, primum a pago *Logingaba* in *Hassia* ad flumen dictum *die Lohn*, deinde a pago *Laingo* in *Frisia Orientali*, de quo iam supra egimus §. 8, tum a pago *Langinga* in praefectura *Wölpe* in terris *Brunſuicensibus*, et denique a pago *Logni* in principatu *Göttingensi*, de quo conferendus §. 33. not. (u). Pagum *Lengi*, qui et appellatur *Lainga* fuisse putamus in Principatu *Luneburgico* in praeposituris seu *Amtrvogteyen* *Soltow* et *Bergen*, atque in praefectura *Wensen*, ut demonstrant uillae, in eodem pago occurrentes, quae sunt 1) *Salta* 937 et *Saltowe* 1069, per quam designatur vicus *Soltow auf der Soltauer Heide* in praepositura *Soltow*, 2) *Timberla*, *Timmerloh* eadem in praefectura, 3) *Bredanbiki*, *Breitbeck* in praepositura *Bergen*, 4) *Silhem*, fortassis *Selhof* in praepositura *Bergen*, et 5) *Osterholt*, *Osteholt*